

## INTRODUZIONE

- Beđđa maŕi.....!!....Mi sientu tutta accalurata....., jaiu un fuocu ccà ca m'abbruscia cori e peđđi e nun mi fa dormiri si dormiri vulissi. E' l'amuri chi mi jardi u cori.....!!!!!!
- Chi jai, amuri miu, u fuocu i S. Antoniu..??....O si squarata...?
- Noooh.! E' ca quannu viu a-ttia abbampu...!
- Iu quannu viu a-ttia sientu tŕona, viu lampi, scintilli e parpagghiuna e sientu i botti ru me cori ca m'abballa e mi fà...ppu...ppu...ppu...!!!
- Mmiii!....e chi è u juocu fuocu..??.....
- Si .....i mascuna ri S. Vastianu...?

## FUOCU D'AMURI

Finale 25.1.95

(Scritta per il gruppo folclorico "Amastra")

- Sugnu priatu pichì  
đđu vasi mi retti e pui tŕi;  
stu cori, mi scantu ca nesci ru piettu,  
nu n tŕova cchiù paci e-rrisiettu.....  
A curpa cci l'avi Mişŕetta  
ca fici n cantari a villa 'o Chalet.

- Sugnu priata picchì  
stu masculu vali pi-tŕi;  
stu cori mi tŕema ca pari ilatina  
a notti, u juornu e a matina.....  
Mi sientu squagghiari d'amuri  
chi parpiti o cori chi-ffuocu chi cc'è..!

**RIT..... - NCUGNITI CCA', MA CAVIRU FA'.  
+ NUN CI PINZA', FATTI CCHIU' CCA'.  
- FATTI CCHIU' ĐĐA PI CARITA';  
PARI N TIZZUNI C'ABBAMPA CCA' E ĐĐA',  
STU NUOŞŦRU AMURI A DISTANZA AVA STA'.  
E SI TU FORTI MI VUI ABBRAZZARI  
NA BORSA RI GGHIACCIU A PURTA'**

- Sugnu priatu picchì  
ligna nn-accattu dui, tŕi;  
raggiu ri sulì e scintilli ri luci,  
stu meli è zzucchiru ruci.....  
Biata sta beđđa Mişŕetta  
ca-fici ncantari a Villa 'o Chalet.

- Sugnu priata picchì  
stu sulì mi rissi ri si;  
occhi brillanti ca parinu fari,  
a testa m-miluni mi pari.....  
Cuntenta mi sientu abbrusciari,  
sta vacca ri furnu filici mi fà.....  
RIT.....

L.Vranca